



ქალაქ ფოთის მუნიციპალიტეტის საკრებულო



განკარგულება N 7/21

2019 წლის 20 მარტი

ქალაქი ფოთი

საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან, ქალაქ ფოთის მუნიციპალიტეტში დასაფინანსებელი პროექტის საპროექტო წინადადების (ქალაქ ფოთში, მრავალსართულიანი საცხოვრებელი სახლების ლიფტების რეაბილიტაციის შესახებ) მოწონების თაობაზე

„საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის და რეგიონული პროექტების შერჩევის პროცედურების და კრიტერიუმების დამტკიცების შესახებ“ საქართველოს მთავრობის, 2013 წლის 7 თებერვლის, №23 დადგენილებით დამტკიცებული დანართის მე-2 მუხლის მე-3 და მე-4 პუნქტების შესაბამისად, ადგილობრივი თვითმმართველობის პროექტების ინიცირების მიზნით, მუნიციპალიტეტის მერი წინადადებას განსახილველად და შესაბამისი გადაწყვეტილების მისაღებად უგზავნის მუნიციპალიტეტის საკრებულოს. ადგილობრივი თვითმმართველობის პროექტების დაფინანსების მიზნით მომზადებული წინადადების მოწონების თაობაზე, გადაწყვეტილებას იღებს მუნიციპალიტეტის საკრებულო.

აღნიშნულიდან გამომდინარე:

მუხლი 1.

მოწონებული იქნას საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან, ქალაქ ფოთის მუნიციპალიტეტში დასაფინანსებელი პროექტის საპროექტო წინადადება (ქალაქ ფოთში, მრავალსართულიანი საცხოვრებელი სახლების ლიფტების რეაბილიტაციის შესახებ) დანართი №1-ის და დანართი №2-ის შესაბამისად (თანდართული დოკუმენტაციებით).

მუხლი 2.

აღნიშნული განკარგულება და საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან ქალაქ ფოთის მუნიციპალიტეტში დასაფინანსებელი პროექტის საპროექტო წინადადება წარედგინოს საქართველოს რეგიონული განვითარებისა და ინფრასტრუქტურის სამინისტროს.

მუხლი 3.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 4.

განკარგულება ძალაშია 2019 წლის 20 მარტიდან.

საკრებულოს თავმჯდომარე



ირაკლი კაკულია

საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან, ქალაქ ფოთის მუნიციპალიტეტში დასაფინანსებელი პროექტის საპროექტო წინადადება 2019 წელი

საპროექტო წინადადება

N	პროექტის დასახელება	პროექტის სრული ღირებულება (საპროექტო დოკუმენტაციის ღირებულების გარეშე)	მ. შ. მიდინარე წელს ფონდიდან მოთხოვნილი თანხა	მ. შ. თანადაფინანსება	პროექტის განხორციელების საგარეუდო ვადები	შენიშვნა
1	ქალაქ ფოთში, მრავალსართულიანი საცხოვრებელი სახლების ლიფტების რეაბილიტაცია	308 804	293 364	15 440	პროექტი განხორციელდება 2019 წელს, პროექტის ხანგრძლივობა 6 (ექვსი) თვე	პროექტი მოიცავს 13 მრავალსართულიანი საცხოვრებელი სახლების 28 ლიფტის რეაბილიტაციას. ავარიული მდგომარეობის გამო მოსახლეობა ლიფტებით არ სარგებლობს, რაც დიდ დისკომფორტს უქმნის მათ ყოველდღიურ ყოფას.

ქალაქ ფოთის მუნიციპალიტეტის მერის პირველი

მოადგილე, მერის მოვალეობის შემსრულებელი :



კონსტანტინე თოფურია

პროექტის აღწერის ფორმა

პუნქტები 1-10 ივსება მუნიციპალიტეტის მიერ

1. ქალაქ ფოთის მინიციპალიტეტის

2. პროექტის დასახელება

ქალაქ ფოთში, მრავალსართულიანი საცხოვრებელი სახლების ლიფტების რეაბილიტაცია

3. თემატური მიმართულება

მოსახლეობის საყოფაცხოვრებო პირობების გაუმჯობესება

4. სტრატეგიებთან კავშირის აღწერა

სტრატეგიული მიზანი: გამოიწვევს მოსახლეობის საყოფაცხოვრებო და უსაფრთხო ცხოვრების პირობების გაუმჯობესებას
 სტრატეგიული ამოცანა: ინფრასტრუქტურის განვითარება

5. პროექტის აღწერილობა

პროექტი მოიცავს 13 მრავალსართულიანი საცხოვრებელი სახლების 28 ლიფტის რეაბილიტაციას. ავარიული მდგომარეობის გამო მოსახლეობა ლიფტებით არ სარგებლობს, რაც დიდ დისკომფორტს უქმნის მათ ყოველდღიურ ყოფას.

6. სავარაუდო ღირებულება

308 804 ლარი

7. პროექტის ხანგრძლივობა

პროექტის დაწყების თარიღი 2019 წელი	პროექტის დასრულების თარიღი 2019წელი	პროექტის ხანგრძლივობა 6 თვე
---------------------------------------	--	-----------------------------

8. დაფინანსების წყაროები (პროცენტული წილი)

ფონდი	მგფ	მუნიციპალიტეტი	სამინისტრო (დასახელება)	დონორი (დასახელება)
		5%	95%	

9. პროექტზე პასუხისმგებელი ადმინისტრაციული ორგანო

ქალაქ ფოთის მინიციპალიტეტის მერია

10. პარტნიორი ორგანიზაცია (არსებობის შემთხვევაში)

პუნქტები (11-13) ივსება სამუშაო ჯგუფის მიერ შესაბამისი ანალიზის საფუძველზე

11. პირველი დონორის ფილტრი

კრიტერიუმი	პასუხი	კრიტერიუმი	პასუხი
პროექტი შესაბამისობაშია საქართველოს სოციალურ-ეკონომიკური განვითარების სტრატეგიის ხედვებთან, საქართველოს რეგიონული განვითარების სტრატეგიის ამოცანებთან ან რეგიონული განვითარების პროგრამაში ასახულ, სულ ცოტა, ერთ საჭიროებასთან/პრიორიტეტთან და შესაბამისი რეგიონის განვითარების სტრატეგიასთან	დიახ	პროექტის განხორციელება არ ახდენს უარყოფით გავლენას მოსახლეობის სოციალურ მდგომარეობაზე	დიახ
პროექტი ექცევა საქართველოს ორგანული კანონით „ადგილობრივი თვითმმართველობის კოდექსით“ გათვალისწინებულ მუნიციპალიტეტის საკუთარი უფლებამოსილების ფარგლებში	დიახ	პროექტი არ ახდენს არსებით უარყოფით ზეგავლენას გარემოზე	დიახ
არ ხდება სხვა პროექტებისა და აქტივობების დუბლირება	დიახ	დასაფინანსებელი პროექტების განხორციელების ვადა სამ წელზე მეტი არ არის	დიახ
პროექტის დასრულების შემდეგ არსებობს მისი მართვისა და მოვლა-შენახვის ღონისძიებები განხორციელებისათვის საჭირო ხარჯების დაფინანსების შესაძლებლობა	დიახ	დასაფინანსებელი პროექტის ღირებულება არ არის 50 000 ლარზე ნაკლები და არ აღემატება 5 მილიონ ლარს	დიახ
პროექტის განხორციელება არ იწვევს ეკონომიკურ აქტივობის არსებით შემცირებას	დიახ		

12. მეორე დონის ფილტრი

კრიტერიუმი	ქულა (1-დან - 5 ქულამდე)
პროექტის ბენეფიციართა რაოდენობა	4
წინა პროექტზე დამოკიდებულება	5
სხვა პროექტებთან პროგრესული კავშირის არსებობა	4
პროექტის მასშტაბი	4
პროექტის თანადაფინანსება	1

13. პროექტის ქულა

ფილტრი №1 (9 „დიახ“)	ფილტრი №2-ის ქულა
9	18

ქალაქ ფოთში, მრავალსართულიანი საცხოვრებელი სახლების ლიფტების რეაბილიტაციის სამუშაოების შესყიდვის თაობაზე ქალაქ ფოთის მუნიციპალიტეტის მერის პირველი მოადგილის კონსტანტინე თოფურის

შეხვედრის ოქმი

ქალაქი ფოთი

„11 „ მარტი 2019 წელი

შეხვედრას ხელმძღვანელობდა ქალაქ ფოთის მუნიციპალიტეტის მერის პირველი მოადგილე კონსტანტინე თოფურია.

შეხვედრას ესწრებოდნენ: ქალაქ ფოთის მუნიციპალიტეტის მერიის ინფრასტრუქტურული პროექტების მართვისა და ტრანსპორტის სამსახურის უფროსის მოვალეობის შემსრულებელი კახაბერ მაშავა, ქალაქ ფოთის მუნიციპალიტეტის მერის წარმომადგენლები ცენტრის, კუნძულის, ნაბადის უბნებში და მოსახლეობა.

დღის წესრიგი:

1. ქალაქ ფოთში, მრავალსართულიანი საცხოვრებელი სახლების ლიფტების რეაბილიტაციის სამუშაოების შესყიდვასთან დაკავშირებით.

მომხსენებელი: ქალაქ ფოთის მუნიციპალიტეტის ინფრასტრუქტურული პროექტების მართვისა და ტრანსპორტის სამსახურის უფროსის მოვალეობის შემსრულებელი კახაბერ მაშავა.

მოსმინეს: ინფორმაცია ქალაქ ფოთში, მრავალსართულიანი საცხოვრებელი სახლების ლიფტების რეაბილიტაციის სამუშაოების შესყიდვასთან დაკავშირებით.

აზრი გამოთქვას: ქალაქ ფოთის მუნიციპალიტეტის მერის პირველმა მოადგილემ კონსტანტინე თოფურიამ და ქალაქ ფოთის მუნიციპალიტეტის მერის წარმომადგენლებმა განაცხადეს, რომ გაუმჯობესდება ქალაქის მოსახლეობის საყოფაცხოვრებო პირობები.

დაადგინეს: ქალაქ ფოთში, მრავალსართულიანი საცხოვრებელი სახლების ლიფტების რეაბილიტაციის შესახებ სამუშაოების შესყიდვასთან დაკავშირებით საპროექტო განაცხადი წარედგინოს საქართველოს რეგიონალური განვითარებისა და ინფრასტრუქტურის სამინისტროს, საქართველოში განსახორციელებელი პროექტების ფონდიდან, შესაბამისი ფინანსური რესურსების გამოყოფის მიზნით.

სხდომის თავმჯდომარე,

ქალაქ ფოთის მუნიციპალიტეტის მერის
პირველი მოადგილე:



კონსტანტინე თოფურია